



32658

eslaus

Mag. St. Dr.

P

*Frederici Matthiae Canonicus Olor Nass-
wicianus in cathedram doctoralem
inductus.*

PANGE & VITAE

Polica

7^o

11/27.

Biblioteka Jagiellońska



stdr0002069

OLOR
WASOWICIANVS
INCATHEDRAM DOCTORALEM
INDVCTVS

Cum

Perillustri & Admodum Reuerendus Dominus,

D. VENCESLAVS
DE SMOGORZEW
WASOWICZ,



ARCHIDIACONVS POSNANINESIS
Nurensis, Łaskarzewiensis &c. Præpositus,
Solenni ritu

IVRIS VTRIVSQVE DOCTOR

Per

Clariss. ac Doctiss. & Admodum Reuer. Dominum
D. M. STANISLAVM ROZYCKI I. V. D.
renunciaretur.

à

MATTHIA CASIMIRO TRETERO *Aritum & Philos:*
in Alma Acad: Crac: Baccalaureo
PRÆSENTATVS.

✠(oso)✠(oso)

CRACOVIAE,
ANNOD. M. DC. XLVII.

578.



Sic vbi fata vocant vdis abiectus in vndis
Ad vada Mæandri concinit albus OLOR.

Ouid: in Ep: Heroit:

32658.I.

BIBLIOTHECA
UNIV. JAGELL
GRACOVENSIS

Perillustri & Admodum Reuerendo Domino,

D. VENCESLAO
DESMOGORZEW
WASOWICZ

ARCHIDIAcono POSNANIENSI
NIRENSI, & ASKARZEWIENSI &c.
PRÆPOSITO,

Iuris Vtriusq; Doctori recenter renunciato
Domino ac Mecænati.

T*a nos humiles animas prouidum formauit
fatum PERILLVSTRIS & ADMODVM REVE-
RENDE DOMINE, ut toti è maiorem Orbis
Nominum pendeamus nutu, & quasi pedisse-
qua quadam solsequia, terrenos hos soles in-
diuiso comitemur obtutu. Impulit innatus iste genius etiam
me humilem seruum Tuum, ut dum ad summum Iuridicæ
Facultatis Augustale fortunatum effers caput, obsecundam
expedire vocem, Tibiq; nouo Iuris Doctori, discipulū aptare
calamum; Sed cum imparem me tanto oneri Athlantem, &
infra materiam Encomiastem reputarem, Orationem con-
uertere in Adorationem; deiectusq; in genua & ante Illustres
affusus pedes, Magnitudinem Tuam diminutione professus
sum mea. Ne tamen omnino elinguis in Tuos deuenire conspe-
ctus, excludendus merito uti mutus Dauid à Philisthæo Achi-
leum*

leuē pennā in Pennatas Natiui Oloris Tui expediui laudes.
pauculosq; hos letitia plausus utpote obsecunda suo Antefi-
gnano Aus, crocitant magis quam peroranti fudi linguā.
Quos Tu PERILLVS: & ADMODVM REVERENDE DOMINE,
benigno suscipies sinu, & me qui nondum in Tuas ipsius ado-
leui, in Tui saltem stemmatis, liberè patieris intrare Pane-
gyres; neue audax Icarus dum temerario calamo, eniten-
tem ad summa, prosequi tento Olorem Tuum ab effuso di-
gnitatis extabescam fulgore, itā splendorem temperabis Tu-
um, ut nec Illustritate obsit, nec tenuitate desit Clienti Tuo:
Vtiq; & voracibus Olim Coruis ante Augustas permissum
est orare Aquilas, & garrula pica suam in magnis auibus
habent, sinon reuerentiam saltem audientiam: Me quoq;
de promiscuo popularium Volucrum vulgo obstrepentem
Olori Tuo excusabit vel illius comitas vel mea tenuitas,
neq; vitio vertetur, quod cum non possim tanta ferre Elo-
gia quanta debeo, tanta feram quanta possum.

Perillus: & Admodum Reuer: Dn. Tuæ
Cliens.

MATTHIAS CASIMIRVS TRETERVS
A. & P. B.



Oc demum supererat Gentilitio Olori
TUO PERILL:& ADMODVM REVEREN-
DE DOMINE: vt per Doctores circumla-
tus Cathedras ad publicos Vniuersi exhibere-
tur assensus, & gratiores quia ab alto, in sub-
iacentes Terras spargeret sonos: Nempe cum magnam,
iam Hyperboreorum tractuum portionem, aut desiderijs
aut meritis impleuisset suis, in ea tandem vrbe destinatum,
quasi figere nidum debuit, in qua Serenissima Sarmatiæ A-
quila Martialibus, Academica Pallas Apollineis, nouellos
Lechiadum pullos in gloriam armat pennis. Ac olim qui-
dem resolutus iste OLOR per varios ausus dexteritatem pro-
bavit suam, nunc victor in prælijs, nunc suasor in concilijs,
vtrouque celebris, & suo par genio in arreptis negotijs; ho-
die nouum etiam aggreditur laudis genus, dum festinatis ac-
cessibus, gloriosas ambit exedras, & Honoros calamos, quos
alia minorū volucrū plebes, vel in aere vel in ocioso heberat
puluerē, ad Codices transfert heredem sibi de omni Iure
scripturus gloriam quam nulla olim cassabit retractabitque
ætas, nisi quæ Ius ac Æquum dediscet, Doctorum vel vacua
vel oblita. Benè verò ad æquitatis scientiam magnus iste
Professor accingitur, quia nemo candidius decernere potest,
quàm qui congruum colori suo iudicium feret; Ne timere
abhinc innoxij præposteram Legum inuersionem, deuiaq;
fraudentorū molimina, quia in eum vestræ lites cecidère
diremptorē qui non nisi concolores sibi, albos nempe amat
calculos. Procede verò propitio Numine & faustis Ausibus,
Magne ipse Ausū Primipile WASOWICIANE OLOR; sequi-
mur præeuntem demissum viliorum alitū vulgus, & dum Tu
Audaces in Æquitatis professione, nos sequaces in Tuæ di-

gnitatis veneratione exercemus pennas; præstituri tam Illu-
stri Vtriusque Iuris Mystræ audientiam, modò ipse præstes
Audituris beneuolentiam; Nec spernes opinor, tametsi mi-
nores & infra meritum Tuum subsidentes, ipsâque adhuc le-
uitate suâ graues, humilium Avium calamos, quia vti ad Tua
per fortunam minorati decrescimus obsequia, ita per Tua elat-
uati crescemus auxilia.

Succensuit semper Orbis, inanibus illis stemmatum buc-
cinatoribus, quibus tota gloria verè cerea, in natiuis crescit
ceris, & quorum omnis decor, ab auito illustrium Maiorum,
peritur labore: Estq; profectò vnde merito vituperio vapulent
tales Patriæ dignitatis inuasores, quia cum nihil addant de
suo, otiosi patrum possessores, licentiosè volutantur in
alieno; iniuriamque Prædecessoribus inferunt, dum tot re-
demptam impendiis famam, desides ipsi euilesceere sinunt; &
si quid reliquum Magni nominis cum Traduce sanguine ac-
cepere, vsu ipso diminuunt, feruentemque illum in grandia
ardorem, qui nec interiectu mortalis cineris gelatus est, segni
torpore refrigescere faciunt, Quasi verò Illustres Atavi idcò
suam tantis ausibus laborarint in gloriam, vt secuturi Nepo-
tes alieno tumidi, suo vacui meritò iners demitterent
supercilium, partâque Atauorum iactabundi famâ in nullos
degenerem animum ausus attollerent, & indefessi Larium,
custodes, ad Auitos focos innoxiam Amicorum salutem pa-
triæ salutis incurii perpotarent; At enim melius est aliquem
paruâ gloriâ sed propriâ quàm magnâ opinione sed alienâ
niti, mallet cum Varrone à Macello, cum Cincinnato ab
aratro, cum Seruilio Tusco à captiuitate ad fasces & diadema
vocari, quàm cum Dario, Iugurtha, Philippo, post tot longa
serie deductos reges, in compedibus & Catenis, longum de-
sidia monumentum circumduci. Verum occurreret aliquan-
dò circumforaneis his stemmatum ostentatoribus seuerior
multa, cum tot Auitorum rei decorum ad obliuionis cita-
buntur Tribunal, & à districto aliquo censore nimij maio-
rum abusers, licentiæque quàm libertati propiores de gra-
du

du movebuntur suo: Habeant interim satis, quod à Tuo
PERILLVSTRIS DOMINE exemplo, sedulâque castigan-
tur vitâ; Sortitus tu quoque es parem vt cæteri generis splen-
dorem, recepisti in Te confluentem maiorum sanguinem,
& in magnam Heredis gloriæ Testato immissus possèssio-
nem Grandes duxisti Familiæ Tuæ spiritus, non tamen to-
tam gloriam Tuam, in vnâ genesco pompa statuis, neque
omni humanæ vitæ contextui à solo Illustrium cunarum,
exordio confirmationem petis: Initia hæc non Felicitatis
sed Natiuitatis Tuæ vt defacto sunt reputans. Itaque iam,
inde à primo vitæ Tuæ exortu ad Virtutem & sudorem ac-
cinctus, ita omnes adolescentiæ cōponebas mores, vt qui Te
viderent, nocturnis impallentem paginis, rediuuium Cle-
anthem ad lucernam intueri se crederent, nempe quod olim
Romanum fuit, Tu consuetudine Polonum effecisti, vt ad
Templum Honoris, non nisi per limen ingredereris laboris,
quod prius in ipso aditu, proprio quasi lustratus, ac expiatus
sudore, dignior demum victima, ad sublimes dignitatum,
adhibereris Aras. Hac pulchrâ viuendi ratione quam à pri-
mis arreptam incunabulis per totum labentium annorum,
decursum, in hæc vsque, constanti serie deducis tempora ie-
cisse mihi videris, fundamenta eius cuius nunc culmina oc-
cupas Iuridicæ Scientiæ, vsu enim & quotidianâ praxi, ita Æ-
quitatem profitebaris, vt liquidò pateret Te pridem Iuri &
Iustitiæ Sacramentum dixisse, qui omnis alieni boni negli-
gens, cuncta Atauorum merita, & heredes qui Tibi influe-
bant titulos, præ Virtute propriâ contempseris, quasi ne nō-
mine vlllo, obligari cuiquàm velles; Præuidebas nimirum,
omnia hæc in quæ vulgus promiscuo ore hiat, & ad quorum
speciem, attonitâ fronte subsistit vtensilia esse, & aliquando
repetenda; omneque decus quod nobis seris Nepotibus con-
sanguinei transmissere Atavi, mutuum & non tam nostrum,
quàm nobis datum, olimq; reddendum esse, vbi apparitor
mortis morbus diem dixerit, & abdicare sese commodatis
hisce imperauerit: Solus animus in proprijs computatur,
qui

qui si nullo adscititiæ fortunæ temeratus est additamento,
quidquid sibi de se peperit secum efferet & omnis securus li-
ctoris, partam longo labore fortunam indiuisus possessor re-
tinebit; Erubescerent hîc si Te & hunc Animosum O L O R
R E M Tuum cernerent illæ alienarum plumarum nimium,
tenaces volucres, quæ dum se proprii decoris inanes vident
per mutatas clarescere pennas, & ad summa non suo cala-
mo erepere student; erubescerent inquam illi, quos vel
emptus pretio honor, vel secundus popularis auræ plausus,
vel demum nudus Auorum sanguis delectat, qui tamen ipse
sanguis, si sciret; quàm desidi resideret pectore, degeneri Ne-
poti ipso suo rubore verecundiam eliceret; pudorem nempè
incutit & simul torporem excutit Tuus O L O R, dum extra-
nea hæc generoso præteriens oculo, nullam candori suo ex-
trinsecus allini vult limâ, & seuerus Æquitatis cultor reddens
Atauis quæ sua sunt, in propriam ipse laborat gloriam, ad
magnaque dignitatum culmina geminis virtutis ac laboris
euolat alis. Illud verò hîc nescio quo excipiendum superci-
lio, quo prosequendum stupore, quod Magnus iste O L O R
tameñsi grandibus in Republica Polona assuetus culminibus
iam inde à primo suo exortu summa subsellia in Illustribus
elatus Auis, honorato prætriuerit vestigio, non tamen ho-
die ad Senatorias curules, non ad Pontificias vittas, & si quid
vltro humana æstimatio ponderosius fecit ambitiosum ege-
rat pedè sed veluti in priuatæ conscientiæ contractus latebras
ad tetrica musarū adita, pallentesque Iuris paginas, emeritos
transferat passus. Aquilis olim etiam concertare cygni
ausi sunt, tameñsi ad hæc duella vti non descenderunt nisi
læsi, ita nec exceßerunt nisi vlti; Hodie postquam inter A-
quilas mutua intercessere fædera, micioribus video insue-
scunt camœnis, & ferociam quam hostis inuitis extorserat,
vltro inter leges exuunt, ab odijsque conuersi ad studia, pu-
gnas exautorant in paginas. Conticesce mendax antiqui-
tatis fabula, quæ cygnos ad venerea destinasti frenâ, & in illo
probroso iugatos curru aurigari impuditiæ coegisti; exfors
tantæ

tantæ seruitutis **WASOWICIANVS OLOK**, quia Po-
 lonæ innutritus libertati est, nulliq; rotæ famulare subiecit
 collum, nisi ei quam ipse sibi temperat; Quod si aliquando
 in minoribus istis rotarum circulis proludere placet vehen-
 dos magno terrarum orbi, in illius tantum **DE** transit frena,
 cui olim sacratum se meminit, nempè **Apollini**; huicque so-
 li fidem & teruitia sua etiam **Tuus PERILLVSTRIS DOMI-**
NE obligauit **CYGNVS**, Nulli unquam nisi soli, & publico
 seruire gnarus: nescio an non ideò tam effusè etiam candi-
 cat in stemmate quia nimium ad **Apollineas** impalluit vigi-
 lias. Nec verò hoc aliquid pulchritudini illius derogat,
 quod scholastico huic deditus **DEO**, gloriam suam, Genti-
 litio olim titularique nominis **Poloni** assuetus campo, ad
 vmbratica hæc lycæi claustra transtulerit, & gloriosos titulos
 non ex hostilibus manubijs, sed è Cathedralibus otijs struere
 aggressus sit, quia vti pulchrior imago, quam suæ opportunè
 intercurrent tenebræ, ita gratius procedit gloria, vbi vires in-
 ter **Palladia** collegit otia, Nempè non sola in laudibus com-
 putantur **Cæorum** hostium capita, neque tantum gloriæ
 splendor ex inimicis emicat cineribus: lucere cum **Phæbo**
 licet vel ad **Citharam**, etiamque volatiles calami præter sa-
 gittas gloriam ad posteros transmittunt, immò si veritatem
 fateri licet, iners telum sine penna est, magis autem ille di-
 gnus est fastis, qui minus alienis maculatus est fatis. Te in di-
 cti testimonium simul ac exemplum voco **WASOWICIA-**
NE OLOK qui tantis iam perfunctus honoribus, tantis
 adhibitus es muneribus, vt vnus ipse, tum in Hierarchicâ tum
 in Politica Reipub forma, maximas gerens dignitates, &
 Vniuersorum dignationes reportaueris, & tamen Te non fa-
 talis Martis circus, neque demersa ruinis suis clararunt bella:
 Vni deuotus **Æquitati**, in eam excreuisti staturam quæ mino-
 rem neminem fecit sed inuenit. **Ædificent** alij nomina sua
 in stratis cadauerum aceruis, excidant titulos in regnorum
 excidijs, nominaque sua grandiori ensium impressa typo, ad
 perennem posterorum memoriam in ceruicibus hostium.

transmittant; securius Tu nomen, securiores titulos quia à
Iure & de Iure Tibi debitos sumis, qui ut nullius creuere ias-
tura, ita nec decrescent; illa enim tantum immortalitas fa-
tis obnoxia est suis, quæ paritur alienis. Nec nouus primum
hospes ad hæc Iuris ac Iustitiæ vocaris adita, leuique pede in
tam sublimes Doctoralis officij eniteris sedes; præexercuisti
iam olim insignem hunc Æquitatis amorem, cū ab Vniuer-
so Venerabilis Capituli Posnaniensis delegatus Senatu, in
Publico Regni Iudicio, viua quasi legum norma existi; **Q**
uoties totus ille Poloniæ Areopagus à Tuo vouentis ore pe-
pendit, quoties titubans miserorum causa accisis rebus velut
nutans carthago suum Te experta est Xantippum. Falso ia-
ctas trita iam promiscuis sermonibus fabula, Cygnos ante
sua fata optimum dare cantus specimen, Gentilitius **O L O R**
Tuus in illo Lechicorum Iudicum Collegio, tum demum
quasi viuere non sibi sed Patriæ incipiens, ea dabat altioris
genij oracula, quæ demū Lechiæ Vniuersæ plausus, & huius
Doctoralis sedis meruere ascensus; Non sola sibi compla-
ceat in oraculis Delphos, neque tantū Hammonius Iupiter
falsam veri præscientiam sibi arroget; Sacrationa nos è Tuis
aditis & magno Numine infesso pectore audiuius, quia Pa-
triæ, quia Miseris Vtiliora: Nemo enim proximius ad De-
um accedit quàm qui egentibus succurrit; Ab illo non qui-
dem tyrocinio nondum tamen veterano usu ad Triariatum
hodie initiaris **PER ILLE DOMINE** & quæ diuisim in pluribus
in hac vna Metropolitana & Regalis & Academici sceptri
sede collectim sistis Æqui scientiam. Ac (ni me mea fallit in-
tentio) videris mihi imitatus prouidum, hoc Tuo præsentis
actu Ducem, qui magnarum aggressurus obsidia vrbiū, Vires
primum suas ad censum vocat, ballistas, ligones, & quæcūq;
fato Vrbiū destinata sunt tormenta, nondum eductis in a-
ciem copijs comportat, mediaq; adhuc in pace bellum ipse
secum ordinat, & castra ante vsum castrorum disponit; Ita
Tu post tot partas felici Marte & arte laudum adoras, redin-
tegras veluti ad eas ipso vfu vires, & in hoc Sarmaticæ Palla-
dis arma-

disarmamentario, ea Tibi congeris tela quæ demum ad in-
uadendam capiendamq; gloriam magnum in omni vita
allatura sunt momentū. Habēt magnæ mentes in usu ut quo-
ties confusum publica solitudine caput, sub specioso hono-
rum onere nauscat, ad aliqua laxamenta, otiosum tantisper
auertant animū, quo veluti turbato lacu subsidentibus Euris
in lenem denuò redeant malaciam, primitiuq; componātur
ethesijs. Sic auocatus à publicis Domitianus persequitur
muscas, demesticūq; hastiludium, ingentis sane animi Prin-
ceps cum hoc imaginario exercet inimico; sic fessus & sua su-
orumq; actorum prægrauatus mole Diocletianus, serit sur-
culos Salonis, & imperatorias manus Hortensibus commodat
infitionibus; Sic demum feliciori compendio suffuratus se
ipsum foro Antoninus pius, ad libros & literarium recurrit,
archiuum, computaturus in illo ingenue mentis thesauro,
si quid in diem prouentus accesserit. Tu verò PERILL: DO-
MINE & Tuus iste ILLVST: OLOR, post tot publicarum soli-
citudinum, post tot continuarum vigiliarum nauscas, ad quæ
properabis auocamenta? Non placent bella, satis iam suarum
conscio virium, nō arridet Hortensis cultura, ad nullas assue-
to nisi Palladias Lauros; Ergo non dispar Philosopho huic
imperator diuerse ad Inclytū Academiæ Panætium, & desi-
deriorū Tuorum metā in hoc scientiarum omnium require
aditō, cum attestante Philosopho *Omnis homo naturaliter sci-
re desiderat.* Audiui apud Olores olim adeò in amoribus
fluuios fuisse vt etiam morituri, vltimum illis impenderent,
inhalarentq; spiritum; Tu quoque ILLVST: WASOWICIANE
Cygne, ad Amnes recurre, nō illos quos Mantuanus lacus aut
multiplices Mæandri reflexus, aut denique mites Caystrici præ-
parturiunt, sed quorum parens Pegasus sequacem fluuium
generosa Vngula elicit; Et nimium insueuisti iam fluuijs &
felix OLOR quia sæpe etiam eos ex hostilibus pectoribus fata-
li gladio eduxisti. Sed relinque interim hos tot cadauerum fu-
nerumue reos, & alienis exequijs funestatos Amnes, mitiora
vocant profluvia quæ nomen tuum æternatū, tuto remigio
ad omnem

ad omnem venientium ætatum Fontem deuehent. Per hunc
olim Academici Heliconis fontem, inuiolatam gloriã Ma-
gni SARMATIAE procures LVBRANSII, GOSLICII, OSTROGII
Teczynscii, OCIESCII, &c. &c. in immortalitatis portũ trans-
miserunt, dum sacras illius Lauros & veneranda Insignia, he-
roicis manibus amplecti non erubuerunt; Per hunc Magnus
etiam in præsens Posnaniensis Præsul ANDREAS SZOLDRSKI,
cum Gentilitiam Nauim, grandiori nempe iam insuetã viã
deducere non posset, Charissimum sibi OLOREM Tuum im-
pulsit, vt ad tam nobiles vias audaci accingeretur remigio,
habiturus ab Episcopea Naui suum Typhin, modò ipse Iason
esse vellet, & aurata hæc Doctoralis Mitræ adoriri statueret
vellere: sequere tam Magna vel Consilia vel Exempla, se-
quendus & ipse imitatusq; vbi exoluto mortalis scenæ actu,
ibis per futura sæcula, longum & exemplum & miraculum.
Hic me subita repente incessit noscendi cupido quidnã Ma-
gne venator gloriæ, in his felicibus profluuijs inquires, quas
merces ex hoc ditiore quàm Pactolus, aut Tagus, aut cæteri
suis infames ruderibus aurati amnes Pierio flumine rimabe-
ris? an vt ille luxuriosus Imperator, diuite hamo subordi-
natam excipies prædam, an Tymotheo par Atheniensi coe-
vntes in amicum rete, per triumphum coges vrbes? faceßent
hæc antiquitatis commenta, aut penitus ficta aut vltra verum
credita, maius quodpiam generosus iste aggreditur OLO-
rum gemmas, & quidem annulares in hoc fonte venatur:
nec metue (ita vates ominatur amor) ullũ à præda detrimen-
tum, periit Sannius Polycrates, à suo quem in piscatu recepe-
rat annulo, quia Tyrannus. Tuper hunc Doctoralem quem
hodie acquiris annulum, in omnẽ deuenies fortunam, quia
Iuris & Equitenax amator, Ergò volentibus fatis, applau-
dentibus omnibus bonis, accipe adhuc in mortali degens
corpore, hunc immortalitatis Arrhabonẽ, quo Te sibi gloria,
quo Virtus, Iustitiãq; desponsat, & circumfer interim Symbo-
licum indigito, donec olim expleta humanæ vitæ tæ-
nia, à verò Æternitatis ipse circumfereris orbe.

D I X I.



